



Udruženje Institut za razvoj i evropske integracije
Zmaja od Bosne 76, 71000 Sarajevo, Bosna i Hercegovina
Tel/fax +387 33 950 901
e-mail: nabavke@irei.ba
www.irei.ba

Sarajevo, 08.12.2022

Otvoreni postupak za dostavljanje ponuda br. 01-XII/2022

Predmet	Radni paket bit će usmjeren na usluge pružanja podrške pri organizaciji i realizaciji događaja.
Ugovarač	Udruženje "Institut za razvoj i evropske integracije"
U okviru projekta	Ozon
Lokacija isporuke	Zmaja od Bosne br. 76, Sarajevo
Kontakt informacije	nabavke@irei.ba
Datum objave zahtjeva za ponudu	09.12.2022.
Trajanje poziva za dostavljanje ponuda	14 dana
Krajnji rok za dostavu ponuda	23.12.2022. do 23:59h

Kontekst:

Institut za razvoj i evropske integracije (IREI) su osnovali stručnjaci sa iskustvom rada u svim segmentima vlasti u Bosni i Hercegovini. Naš model rada je fokusiran na prepoznavanju realnih kapaciteta institucija i na postavljanju problema građana u primarni fokus rada vlasti i javnosti. Bosna i Hercegovina je zemlja koja se nalazi u post-konfliktnoj i ekonomskoj tranziciji, te joj nedostaje jak pokretač ekonomskog i socijalnog razvitka koji može nadići trajne probleme socijalno-političkih nesuglasica i voditi zemlju naprijed. Naš cilj je da razvijamo i podržavamo rad lokalnih, regionalnih, entitetskih i državnih institucija kroz specifičan, empirijski zasnovan na provjerenom modelu rada. Mi želimo poboljšati sve aspekte javnih politika koje su fokusirane na podizanje nivoa životnog standarda, unapređenja prava građana, ali i povećanje odgovornosti vlada kao primarnog interesa građana.

Većina programa upravljanja u Bosni i Hercegovini ne nude jasna i cjelovita rješenja za mnogobrojne potrebe građana, te projekat Ozon – Otvorene i odgovorne općine ima za cilj da minimalizira uočene nedostatke. Njegovo provođenje treba da generira i podržava političku volju za više građanski-orijentirane javne politike na nivou lokalnih samouprava.

Projekat se implementira u periodu od 2021. do 2023. godine, a fokus rada je upravo na općinskom nivou, jer osim toga što je najbliži građanima, osigurava i mnogobrojne materijalne usluge, koje građani koriste i ima najviše potencijala da utječe na kvalitet života. S obzirom na to da ovaj nivo lokalne samouprave ima određeni nivo autonomije, snagu donosilaca odluka i resurse, generalno je znatno efikasniji u odnosu na više instance vlasti i može brže odgovoriti na potrebe građana.

Projekat se realizira u šest odabranih jedinica lokalne samouprave, a ključne aktivnosti su priprema analitičkog izvještaja na osnovu stručne analize i procjene stanja unutar sljedećih oblasti: komunikacije i participacije, budžeta, borbe protiv korupcije, rodne ravnopravnosti, zaštite okoliša i održivog razvoja, socijalnih politika i inkluzije marginalnih grupa. Potom se na osnovu izvršene procjene i urađene analize priprema Nova Programska Politika (NPP) koju usvajaju načelnici/gradonačelnici. Finalna komponenta je uspostava ili jačanje komunikacijskih platformi kako bi građani lakše priopćili svoje probleme nadležnima, te na njih dobili blagovremene odgovore. Prilikom izvještavanja jedinice lokalne samouprave će pružati informacije o napretku realizacije Nove programske politike prema ustanovljenim ciljevima.

Predmet nabavke I opis zadatka:

Pomoć prilikom organizacije i realizacije završnog događaja projekta Ozon. U skladu s tim, na ovaj poziv mogu aplicirati marketinške agencije i agencije za organiziranje događaja.

Očekuje se da će zadatak zahtijevati sljedeće resurse ,potrebne za realizaciju i organizaciju događaja:

- Iznajmljivanje sale za održavanje događaja planiranog za dan 16.2.2023, koja će biti adekvatna za prijem do 70 ljudi.
- Audio podrška, Light podrška, Kabina za prevođenje + sistem za simultano prevođenje
- Video podrška; snimanje kompletnog eventa + produkcija kratkog videa nakon završetka događaja, LED ekran visoke rezolucije, laptop sa bežičnim PPT prezenterom
- Usluge fotografisanja događaja
- Scenografija; postavljanje bine

Kvalifikacije

Pozvane su da se prijave marketinške agencije sa dokazanim iskustvom organizovanja sličnih događaja.

Osnovne kvalifikacije

- Dokazano iskustvo u organizaciji sličnih događaja
- Posjedovanje opreme navedene u „Predmetu nabavke“

Proces prijave

Ako ste zainteresovani da se prijavite i ispunjavate gore navedene kriterije, svoju prijavu možete da pošaljete e-poštom na nabavke@irei.ba najkasnije do 23. decembra 2022. godine.

Vaša prijava treba sadržavati sljedeće elemente:

1. Finansijsku ponudu;
2. Primjerak portofolia relevantan za poslove koji su istaknuti u pozivu

Ponuđači su obavezni da pripreme ponude u skladu sa uslovima nabavke. Ponude koje nisu u skladu sa uslovima, bit će odbačene kao neprihvatljive.

Finansijska ponuda:

Ukupna cijena ponude se piše brojevima i slovima, a izražava u konvertibilnim markama (BAM). U slučaju neslaganja ukupnih iznosa upisanih brojčano i slovima, prednost se daje iznosu upisanom slovima.

Ponuđači snose sve troškove nastale u toku pripreme i dostavljanja ponude. Ugovarač ne snosi nikakve troškove u postupku nabavke.

Ponuda mora sadržavati datum i potpis (elektronski) ponuđača sa kontakt informacijama. Ukoliko sadrži više od jedne stranice, potrebno je da sve stranice ponude budu numerisane, na način da je vidljiv redni broj stranice.

U roku za podnošenje ponuda, ponuđač može da izmijeni, dopuni ili povuče ponudu. Ponuđač podnosi izmjenu, dopunu ili povlačenje ponude sa naznakom jedne od opcija: „Izmjena/dopuna/povlačenje ponude br. 01-XII/2022“.

Period važenja ponude:

Ponude moraju da važe 14 dana, računajući od dana zatvaranja poziva za ponude.

Rok za donošenje odluke o izboru ponuđača:

Ugovarač će donijeti odluku o izboru agencije u roku od 7 radnih dana od roka za podnošenje ponuda. Ugovarač će izabranu agenciju obavijestiti o prihvatanju ponude najkasnije u roku od 8 dana od dana zatvaranja poziva. U istom periodu bit će obaviješteni i svi ostali ponuđači u postupku nabavke, čija ponuda nije prihvaćena.

Načini i uslovi plaćanja izabranom ponuđaču:

Avansno plaćanje nije predviđeno ovim pozivom. Plaćanje će se izvršiti u roku od 10 dana od primanja fakture nakon događaja.

Kriterij za odabir najbolje ponude:

Ugovarač će donijeti odluku o najuspješnijoj ponudi na osnovu sljedećih kriterija:

-
- Pokazanog iskustva ponuđača (60 bodova)
 - Cijene ponuđene usluge (40 bodova)

Način dostavljanja ponude:

Ponude se dostavljaju na e-mail adresu nabavke@irei.ba sa naznakom u PREDMET/SUBJECT-u:

Ponuda po otvorenom postupku za dostavljanje ponuda br. 01-XII/2022

U tijelu e-maila se navode nazivi svih dostavljenih dokumenata, a dokumenti se imenuju kao što su nabrojani u sekciji „Proces prijave“.

Svi dokumenti trebaju biti dostavljeni u PDF formatu.

Krajnji rok za dostavljanje ponuda je 23.12.2022. do 23:59h